

CONVOCATORIA DE MATRÍCULA ANTICIPADA NOS ESTUDOS DE MÁSTER UNIVERSITARIO OFICIAL PARA OS ALUMNOS CON ESTUDOS DE PAÍSES ALLEOS AO EEES. CURSO 2015-2016

1.- ÁMBITO DE APLICACIÓN

1.1.- Conforme ao disposto nesta convocatoria poderán acceder ás ensinanzas oficiais de Máster da USC para cursar estudos no curso 2015-16 os titulados de sistemas educativos alleos ao Espazo Europeo de Educación Superior (EEES) que teñan un título homologado a un título universitario oficial español, ou a outro expedido por unha institución de educación superior pertencente a outro estado membro do Espazo Europeo de Educación Superior, e que faculte para o acceso aos estudos de máster.

1.2.- Tamén, poderán acceder os graduados conforme a sistemas educativos alleos ao Espazo Europeo de Educación Superior sen necesidade de homologar o seu título, previa comprobación pola Universidade de que o título do interesado acredita un nivel de formación equivalente aos correspondentes títulos universitarios oficiais españois e que faculta no país expedidor para acceder ás ensinanzas de posgrao. O acceso por esta vía non implica, en ningún caso, a homologación do título previo da persoa interesada nin o seu recoñecemento a outros efectos que o estudo das ensinanzas de Máster.

1.3.- Para acceder aos estudos de Máster da USC, os estudantes procedentes de sistemas educativos do Espazo Europeo de Educación Superior (EEES) terán o mesmo tratamento que os da cota xeral, polo que quedan fóra desta convocatoria e só deberán acreditar que o seu título dá acceso aos estudos de Máster no país de orixe.

1.4.- Os estudantes incluídos no ámbito de aplicación desta convocatoria só poderán solicitar a admisión nos Máster que teñan establecido unha cota para alumnos estranxeiros e que figuran no ANEXO, sempre que os seus estudos estean entre os que dan acceso ao Máster concreto no que desexen matricularse.

1.5.- Os Máster incluídos no ANEXO constitúen a oferta oficial inicial e só excepcionalmente podería condicionarse a admisión e a matrícula nos estudos de Máster oficial á efectiva impartición dos mesmos en función da autorización da Comunidade Autónoma e do cumprimento dos requisitos para isto, en particular, a superación do número mínimo de estudantes que se estableza.

2.- PRAZAS

2.1.- Segundo o Acordo do Consello de Goberno do 4 de febreiro de 2015, os máster nos que se pode solicitar a admisión e o número de prazas ofertadas nesta convocatoria anticipada para cada un, son os que se recollen no ANEXO.

2.2.- A admisión farase por orde de solicitude ata cubrir as prazas ofertadas.

2.3.- Os solicitantes que non puidesen matricularse a través desta convocatoria por cubrirse as prazas, poderán solicitar praza na convocatoria xeral de admisión nos estudos de máster para o curso 2015-2016, cos criterios de selección recollidos nesa convocatoria. A solicitude para esta convocatoria anticipada rexistrárase no sistema informático desde onde se notificará ao interesado a apertura da nova data límite de solicitude e os extremos relevantes da nova convocatoria, de ser o caso.

2.4.- De non cubrirse as prazas dispoñibles, as vacantes agregaranse á oferta xeral que se publique.

3.- SOLICITUDE DE ADMISIÓN

3.1.- A solicitude de admisión deberá presentarse por medios electrónicos no enderezo <http://www.usc.es/masteres> ata o 31 de maio de 2015. Os datos solicitados deberán ser cubertos en galego ou español.

3.2.- Na solicitude, ademais dos datos persoais e académicos requiridos deberán achegar a documentación necesaria. Tamén deben incluír na solicitude de matrícula un enderezo de correo electrónico que será o medio utilizado pola universidade para enviar as notificacións e comunicacións derivadas deste proceso, así como un teléfono de contacto para a recepción de calquera comunicación por vía SMS. De non ser posible a comunicación por algún destes medios, as notificacións faranse a través do taboleiro de anuncios da Sede Electrónica da USC (<https://sede.usc.es/sede>).

3.3.- Calquera omisión ou falsidade nos datos declarados sobre a titulación de acceso ou do expediente académico, poderá dar lugar á anulación da matrícula e, no seu caso, a ser excluído do proceso de adjudicación de prazas, independentemente das sancións administrativas ou penais que correspondan.

3.4.- A tramitación das solicitudes (consistente na verificación dos datos, especificamente os estudos de acceso, e a súa idoneidade para os estudos solicitados, así como o control e cómputo de prazas) corresponde ao Servizo de Xestión Académica. No caso de que se cubran as prazas ofertadas para estudantes con estudos de países de fóra do EEES non se emitirá a resolución de non admisión, informando ao estudante de que pode facer unha nova solicitude na convocatoria xeral e dos requisitos que debe cumprir para ela.

En caso de dúbida, solicitarase informe do comité académico do máster sobre a idoneidade dos estudos declarados para acceder.

3.5.- A resolución de admisión incluírá a data límite para matricularse, así como:

a) A Cantidade que o alumno debe aboar no prazo de matrícula fixado e que terá a consideración de prezo de xestión da reserva de praza e que, no caso de formalizar a matrícula definitiva, destinarase ao pagamento dos prezos públicos fixados pola Comunidade Autónoma para o curso

2015-2016. O importe da xestión de reserva de praza será o 10% do custo de referencia recollido no Decreto de prezos públicos. No caso de anulación de matrícula por calquera motivo, incluída a denegación da equivalencia de estudos recollida no apartado 5, non procederá a súa devolución.

b) A necesidade de tramitar a equivalencia do título de acceso, no seu caso, e a forma de facelo especificando os documentos que se requiren e os requisitos destes.

c) Información sobre o prezo total estimado por máster, ou curso no caso de ter máis de 60 ECTS, así como as modalidades de pago ás que se pode acoller.

d) A necesidade de contratación dun seguro, en caso de non telo feito con anterioridade

e) Calendario académico previsto, número de créditos a matricular e toda a información relevante respecto dos estudos que se considere necesaria.

3.6.- Todas as comunicacións e notificacións relacionadas coa solicitude redactaranse nunha das linguas oficiais e no posible incluírase a súa tradución oficial ao idioma inglés

4.- MATRÍCULA

4.1.- Recibida a carta de admisión, o alumno deberá matricularse dentro do prazo fixado na resolución mediante o pagamento dos prezos que figuran na devandita resolución. Os estudantes admitidos que non se matriculen neste prazo ou non aboén os prezos fixados, perderán o seu dereito sobre a praza adxudicada.

4.2.- A matrícula formalizarase e notificarase ao solicitante a través do sistema informático, incluíndo a información necesaria sobre a actualización dos prezos públicos e os cambios académicos que poidan xurdir con posterioridade.

4.3.- Os estudantes inscritos poderán anular a matrícula formalizada nos termos e condicións establecidos pola Convocatoria xeral de matrícula sen dereito á devolución do prezo de xestión da reserva de praza.

4.4.- As disposicións da Convocatoria xeral de matrícula para o curso 2015-2016 serán de aplicación aos estudantes matriculados a través desta convocatoria anticipada, a excepción dos límites dos cambios de matrícula que non son aplicables para eles. Todos os cambios de matrícula informados polos coordinadores nos prazos xerais serán resoltos favorablemente.

5.- EQUIVALENCIA DE ESTUDOS

5.1.- A admisión e matrícula terán carácter provisional, condicionadas á concesión da equivalencia da titulación de acceso, de conformidade co disposto no artigo 16.2 do Real decreto 1393/2007, así como ao cumprimento dos demais requisitos específicos que se establezan para cada máster. Para o recoñecemento de equivalencia, deberán presentar antes de que finalice o prazo de matrícula a correspondente solicitude no Servizo de Xestión Académica, xunto cos documentos académicos debidamente legalizados e traducidos e, no seu caso, os documentos orixinais pertinentes que acrediten o cumprimento dos requisitos específicos.

5.2.- A resolución desestimatoria da equivalencia dos estudos estranxeiros cursados para o ingreso nos máster oficiais suporá a anulación de todos os actos que se derivan da admisión e matrícula. Tamén procederá a anulación cando non se acredite o cumprimento dos requisitos específicos establecidos para a admisión no Máster concreto.

DISPOSICIÓN ADICIONAL PRIMEIRA - PROTECCIÓN DE DATOS.

1.- Os datos persoais recollidos serán incorporados ao arquivo nº 1 denominado “Xestión Académica e Alumnado” aprobado por Resolución do 24 de xuño de 2002 e modificado por Resolución reitoral 3 de setembro de 2010. A súa finalidade é a xestión dos procesos para o acceso e a matrícula universitaria, a continuación de estudos, os traslados, a xestión dos expedientes académicos, os títulos e os cursos de posgrao e formación continua, tramitación de reclamacións, recursos, queixas e suxestións, control económico de prezos, e calquera outra actividade que se inclúa na área administrativa da xestión académica e figure inscrita na Axencia de Protección de Datos.

2.- Os datos serán sometidos a tratamento con finalidades académicas e de xestión da USC, e para a difusión de información institucional e a información destinada á formación e a inserción laboral e profesional dos membros da comunidade universitaria. A Universidade poderá utilizar os datos contidos nos seus arquivos tamén con fins históricos, estatísticos ou científicos e para os establecidos no ficheiro e na regulación xeral. Non se fará ningunha cesión de datos de carácter persoal sen o consentimento do titular dos datos, a excepción dos casos previstos na Lei ou declarados no ficheiro pola USC.

3.- A responsabilidade sobre o ficheiro corresponde á Universidade de Santiago de Compostela, e mediante escrito dirixido á Secretaría Xeral da Universidade, os interesados poderán exercer os seus dereitos de acceso, rectificación, cancelación e oposición de acordo cos modelos que aparecen en <https://sede.usc.es/sede/publica/catalogo/procedemento/55/ver.htm> ou

<http://www.usc.es/es/normativa/protecciondatos/index.html>.

Santiago de Compostela, 10 de febreiro de 2015

O Reitor



Juan Viaño Rey



Máster	Prazas
Acuicultura	5
Arqueoloxía e Ciencias da Antigüidade	5
Arquitectura da Paisaxe "Juana de Vega"	1
Atención Sanitaria, Xestión e Coidados (Esp Clínica)	1
Atención Sanitaria, Xestión e Coidados (Esp. Xestión)	1
Bioloxía Mariña	2
Ciencias Odontolóxicas	2
Condicionantes Xenéticos, Nutricionais e Amb. do Crecemento e do Desenv.	5
Desenvolvemento Económico e Innovación	10
Dirección de Actividades Educativas na Natureza	3
Dirección de Empresas [L]	3
Dirección de Empresas[S]	3
Dirección de Proxectos	5
Economía: Organización Industrial e Mercados Financeiros	14
Enerxías Renovables e Sustentabilidade Enerxética	8
Enxeñaría Agronómica	5
Enxeñaría Ambiental	3
Enxeñaría de Montes	5
Enxeñaría Química e Bioprocesos	3
Estudios Avanzados sobre a Linguaxe a Comunicación e as súas Patoloxías	5
Estudios da Literatura e da Cultura	3
Estudios Ingleses Avanzados e as súas Aplicacións	6
Estudios Internacionais	10
Estudios Medievais Europeos. Imaxes, Textos e Contextos	5
Filosofía: Cuestións Actuais	2
Fiscalidade Internacional e Comunitaria	3
Física	8
Fotónica e Tecnoloxías do Láser	5
Historia Contemporánea	5
Investigación Biomédica	5
Investigación e Desenvolvemento de Medicamentos	3
Investigación en Ciencias da Visión	2
Investigación en Educación, Diversidade Cultural e Desenv. Comunitario	9
Investigación en Medicina e Sanidade Veterinaria	3
Investigación Química e Química Industrial	10
Lingüística Aplicada	2
Lóxica e Filosofía da Ciencia	5
Marketing, Consultoría e Comunicación Política (USC)	5
Marketing, Consultoría e Comunicación Política (Inst. Ortega y Gasset)	15
Matemática Industrial	5
Matemáticas	3
Neurociencia	6
Planificación e Xestión do Desenvolvemento Territorial	10
Prevenção de Riscos Laborais e Saúde Medioambiental	3
Procesos de Formación	7
Psicoxerontoloxía	5
Psicoloxía do Traballo e as Org., Psicoloxía Xurídica-Forense e Interv. Social	5
Psicoloxía Xeral Sanitaria	3
Química Teórica e Modelización Computacional	3
Saúde Pública	5
Química Orgánica	5
Técnicas Estatísticas	5
Turismo Urbano e Xestión de Empresas Turísticas	5

Xerontoloxía	5
Xestión do Patrimonio Artístico e Arquitectónico, Museos e Mercado da Arte	5
Xestión e Dirección Laboral	3
Xestión Sustentable da Terra e do Territorio	8